



U ovom broju:

- ➔ USVOJEN BUDŽET ZA 2016. GODINU
- ➔ ZAVRŠENA REKONSTRUKCIJA TITOVE ULICE I TRGA GAZI FERHAT-BEGA U TEŠNJU
- ➔ PRIZNANJA OPĆINE TEŠANJ
- ➔ ODOBREN BFC CERTIFIKAT ZA OPĆINU TEŠANJ
- ➔ SVEČANO OTVOREN NOVOIZGRAĐENI OBJEKAT CENTRA ZA DJECU SA POTEŠKOĆAMA U RAZVOJU
- ➔ ZAVRŠENA PRVA FAZA RADOVA NA PROJEKTU: IZGRADNJA SISTEMA PRIKUPLJANJA, ODVODNJE I PREČIŠĆAVANJA OTPADNIH VODA
- ➔ PROŠIRENJE POSLOVNE ZONE BUKVA
- ➔ PREKO 300.000 KM ZA POTICAJ U POLJOPRIVREDI ZA 2015. GODINU



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba



BESPLATNA PРАВNA POMOĆ

Obavještavamo građane općine Tešanj da je uspostavljena kancelarija Zavoda za pružanje besplatne pravne pomoći Zeničko-dobojskog kantona, u zgradi Općine Tešanj, drugi sprat.

Ured Kantonalnog zavoda za pružanje besplatne pravne pomoći radit će dva puta mjesečno i to ponedjeljkom u vremenskom periodu od 9,30 do 11,30 sati. Početak rada kancelarije je od 07.12.2015.godine.



STIMULATIVNE DEMOGRAFSKE MJERE

U prostorijama Centra za socijalni rad Tešanj Općinski načelnik Suad Huskić i direktorica CSR Tešanj Sabrija Kavazović upriličili su prijem porodilja koje su u 2015. godine rodile treće, četvrto ili peto dijete.



Općina Tešanj putem Centra za socijalni rad Tešanj od 2012. godine primjenjuje stimulative demografske mjere sa jednokratnom finansijskom podrškom od 300 KM za treće i svako sljedeće dijete. Do sada u četiri godine (2012, 2013, 2014 i 2015) ovu podršku koristilo je 213 porodica.

U 2015. godini rođene su 44 bebe kao treće dijete, 3 bebe kao četvrto dijete, 1 beba kao peto dijete i u jednom slučaju rođene su trojke. Na prijemu je uručena jednokratna novčana pomoć u visini od 100 KM svakoj porodilji iz ovih kategorija u 2015. godini.

Inače, tokom 2015. godine u matičnom uredu općine evidentirano je 515 rođene djece i oko 400 vjenčanja. Primjetan je blagi porast broja vjenčanja i rođenja.



Izdaje: **OPĆINA TEŠANJ**

Redakcija:

Edina Kadušić, Samir Brka,
Kanita Gredelj i Bahrudin Nočić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc

BUDŽET OPĆINE TEŠANJ ZA 2016. GODINU

* Nakon provedene javne rasprave u kojoj je učešće uzelo 76 lica, sa iznesenom 61 primjedbom, izvršena je izrada Prijedloga Budžeta koji je pretrpio značajne izmjene u odnosu na Nacrt. Budžet za 2016. godinu je usvojen na 36. sjednici Općinskog vijeća Tešanj održanoj 29.12.2015.godine.

* Usvojeni Budžet iznosi 16.781.000 KM, što je više od Budžeta za 2015. godinu za 1.810.000 KM.

* Za 2016. godinu je planirana realizacija druge faze projekta prikupljanja, odvodnje i prečišćavanja otpadnih voda u visini od 3.700.000 KM iz sredstava ino-granta i kreditnog zaduženja. Budući da ova sredstva čine 22% Budžeta, to je i osnovni razlog njegovog uvećanja od 12% u odnosu na 2015. godinu.



* Zbog gore navedenog struktura prihoda i primitaka općinskog budžeta je izmijenjena u značajnoj mjeri u odnosu na 2015. godinu. Visina i struktura prihodovne strane Budžeta je iskazana u sljedećem tabelarnom pregledu:

Redni broj	Grupa prihoda i primitaka	Budžet za 2015. go dinu	Procent	Budžet za 2016. godinu	Procent
1	2	3	4	5	6
1.	Direktni porezi	1.913.000	12,78%	1.904.000	11,35%
2.	Indirektni porezi	4.430.000	29,59%	4.695.000	27,98%
3.	Neporezni prihodi	2.536.000	16,94%	2.762.000	16,46%
4.	Tekući grantovi	1.085.000	7,25%	1.020.000	6,08%
5.	Kapitalni grantovi i primici	2.300.000	15,36%	2.860.000	17,04%
6.	Prenesena sredstva	997.000	6,66%	890.000	5,3%
7.	Kreditna sredstva	1.710.000	11,42%	2.650.000	15,79%
	SVEGA PRIHODI I PRIMICI	14.971.000	100,00 %	16.781.000	100,00%

* Također, došlo je do značajnije izmjene visine i strukture rashodovne strane Budžeta, koja je iskazana u sljedećem tabelarnom pregledu:

Redni broj	Grupa rashoda i izdataka	Budžet za 2015. godinu	Procent	Budžet za 2016. godinu	Procent
1	2	3	4	5	6
1.	Sredstva za plate i naknade	2.285.000	15,26%	2.403.000	14,32%
2.a	Direktni materijalni rashodi Organa uprave	868.000	5,80%	961.600	5,73%
2.b	Ostale usluge za opštredruštvene potrebe	1.877.000	12,54%	1.944.000	11,58%
3.	Tekući grantovi, kamate i sredstva rezervi	3.561.000	23,78%	3.672.400	21,88%
4.	Kapitalni grantovi (transferi) i izdaci	6.175.000	41,25%	7.560.000	45,05%
5.	Povrat sredstava finansiranja	205.000	1,37%	240.000	1,43%
	SVEGA RASHODI I IZDACI	14.971.000	100,00%	16.781.000	100,00%

* Nova struktura prihodovne i rashodovne strane Budžeta iskazana je u sljedećem grafičkom prikazu:



DODIJELJENA NAJVIŠA OPĆINSKA PRIZNANJA

Povodom 10. decembra – Dana grada Tešnja, u Sali Općinskog vijeća Tešanj održana je svečana sjednica Općinskog vijeća na kojoj su dodijeljena najviša općinska priznanja.

Nakon provedene procedure, Općinsko vijeće Tešanj kao znak priznanja za izuzetan rad i doprinos na razvoju općine, zaštiti ljudi i materijalnih dobara, zaštiti ljudskih prava i socijalne zaštite, razvoju kulture i umjetnosti te afirmaciji općine Tešanj, priznanje Općine Tešanj Plaketa dodjelilo je sljedećim:

- Fuad Šišić
- Omer Pobrić, posthumno
- Mustafa Cerovac
- Šemsudin Mehmedović
- Muhamed Članjak, posthumno

Prigodnim govorom o značaju 10. decembra, na sjednici je govorio Općinski načelnik Suad Huskić, a u ime dobitnika priznanja obratili su se Šemsudin Mehmedović, Mustafa Cerovac, Fuad Šišić i kćerka r. Omera Pobrića, Zlata Šojko.



ODRŽANA 36. SJEDNICA OPĆINSKOG VIJEĆA

U Sali Vijeća, u utorak, 29. decembra sa početkom u 14,00 sati održana je 36. sjednica Općinskog vijeća Tešanj, sa predloženim dnevnim redom:

1. Prijedlog Budžeta Općine Tešanj za 2016. godinu,
2. Prijedlog Odluka o izvršavanju Budžeta za 2016. godinu,
3. Informacija o provedbi Odluke o pogodnostima za investiranje u Poslovnoj zoni "Bukva" i o implementaciji zaključenih ugovora,
4. Informacija o realizaciji Programa obilježavanja tekovina odbrane 1992-95. godine i drugih datuma od značaja za općinu Tešanj,
5. Informacija o rješavanju statusa izbjeglih i raseljenih lica na području općine Tešanj.

Na početku sjednice, na prijedlog Općinskog načelnika, dnevni red je dopunjen sa dvije tačke:

6. Prijedlog Odluke o davanju na korištenje zemljišta MZ Novi Miljanovci
7. Prijedlog Odluke o izmjeni i dopuni

Odluke o upravljanju i održavanju grobalja mezarja na području općine Tešanj i

Tokom sjednice, najviše rasprave je bio oko Prijedloga Budžeta za 2016. godinu i Prijedlogu Odluke o izvršenju Budžeta za 2016. godinu, koje je Vijeće, uz dodatna obrazloženja usvojilo.

O ostalim tačkama dnevnog reda Vijeće je raspravljalo i završilo sa radom u 18 sati i 25 minuta.



POTPISANI UGOVORI O DODJELI GRANT POTICAJNIH SREDSTAVA ZA UNAPRJEĐENJE PODUZETNIČIH ZONA

U Vladi FBiH potpisani su ugovori o dodjeli grant poticajnih sredstava za unapređenje poduzetničkih zona između 11 općina Federacije i Federalnog ministarstva razvoja, poduzetništva i obrta.

Federalni ministar Amir Zukić i Općinski načelnik Suad Huskić potpisali su ugovor vrijednosti 150.000 KM za gradnju infrastrukture u poslovnoj zoni Bukva. Osim Općine Tešanj ugovore su potpisale i općine Bosanska Krupa, Ilijaš, Grude, Gornji Vakuf-Uskoplje, Visoko, Gradačac, Bosanski Petrovac, Kakanj, Posušje i Žepče.

Cilj dodjele ovih grant sredstava je poboljšanje pristupa, kapaciteta, kvalitete i atraktivnosti postojećih poduzetničkih zona na lokalnom nivou, gdje se očekuje da će, po završetku realizacije, navedeni projekti rezultirati kreiranjem 25 novih privrednih subjekata i unapređenim uvjetima za nove investicije, kao i proširenjem usluga podrške razvoju poduzetništva u okviru poduzetničkih zona.

Osiguranje sistematske podrške realizaciji razvojnih prioriteta na lokalnom nivou je zajednički cilj zbog kojeg je Federalno ministarstvo razvoja, poduzetništva i obrta u saradnji s Projektom integriranog lokalnog razvitku (ILDP), kojeg zajednički podržavaju Vlada Švicarske i UNDP, pokrenuo grant shemu „Unaprjeđenje poduzetničkih zona“.

Ukupna vrijednost ovog finansijskog mehanizma za finansiranje projekata jedinica lokalne samouprave u 2015. godini iznosi 1.495.000 KM, od čega je resorno ministarstvo osiguralo milion KM, a Vlada Švicarske 495.000 KM, dok sufinansiranje jedinica lokalne iznosi 607.000 KM.



PROŠIRENJE POSLOVNE ZONE BUKVA

Općinsko vijeće Tešanj razmatralo je Informaciju o provedbi Odluke o pogodnostima za investiranje u Poslovnoj zoni BUKVA-Vila. Ovaj vid pogodnosti jedinstven je u BH, a ima za cilj stvaranje povoljnijeg ambijenta za gradnju poslovnih objekata, otvaranja novih radnih mjesta i podršku investitorima za efikasnije poslovanje. Oslobođanje plaćanja naknade za zemljište, te općinskih taksi i naknada, uslovljeno je izgradnjom objekta, realizacijom proizvodnog programa i zapošljavanjem određenog broja radnika minimalno 20 godina.

Za posljednje tri godine, ova odluka je omogućila otvaranje novih 96 radnih mjesta u firmama SGI Tehnology, B&M comerc i Socksmaker 3, iako su neke od njih na samom početku ispunjenja ugovornih obaveza.

U realizaciji ugovora nema otvorenih pitanja a jedan od zaključaka je bio da se pokrene procedura za proširenje Poslovne zone „Bukva“ na susjedne parcele državne svojine jer su lokacije potrebne za gradnju novih poslovnih objekata.



POSJETA DELEGACIJE IZ TURSKE

Delegacija turske općine Çorum na čelu sa Načelnikom Muzafferom Külcü, u okviru posjete Bosni i Hercegovini, posjetila je i općinu Tešanj. Delegaciju su primili Predsjedavajući Općinskog vijeća Senad Subašić i Općinski načelnik Suad Huskić sa saradnicima.

Nakon prezentacije Općinskog načelnika i predstavljanja općine Tešanj, razgovarano je o mogućnostima saradnje dvije općine i realizacije zajedničkih projekata.

Općine Tešanj i Çorum sarađuju još od devedesetih godina, tako da mi je posebno drago da smo ugostili delegaciju iz ove općine. Osim poklona koje su gosti pripremili za učenike koji u Tešnju uče turski jezik, ovaj susret je iskorišten i za razgovor o projektima koje možemo zajednički realizirati, kazao je Općinski načelnik Suad Huskić



ZAVRŠENA PRVA FAZA RADOVA NA PROJEKTU: IZGRADNJA SISTEMA PRIKUPLJANJA, ODVODNJE I PREČIŠĆAVANJA OTPADNIH VODA

Položeni su zadnji metri kanalizacione mreže iz ugovora za I. dionicu radova na projektu *Odvodnja i prečišćavanje otpadnih voda* na području općine Tešanj.

Sanacijom asfaltnih površina, uređenjem šahtova, trotoara, pješačkih staza dobili smo 7 kilometara nove mreže.

U ovoj godini smo počeli građevinske radove na izgradnji najvećeg javnog projekta do sada, u prvoj fazi vrijednog oko 24 miliona maraka. Krenuli smo u realizaciju Izgradnje sistema prikupljanja, odvodnje i prečišćavanja otpadnih voda u okviru projekta WATSAN koji vodi Federalno ministarstvo poljoprivrede, vodoprivrede i šumarstva. Završena je prva faza, a Titova ulica i Trg Gazi Ferhat-bega su u potpunosti rekonstruisani i uređeni, kazao je Općinski načelnik Suad Huskić.

Još jednom, hvala svim građanima, a posebno učesnicima u saobraćaju na strpljenju i razumjevanju.



ZAVRŠENA REKONSTRUKCIJA TITOVE ULICE I TRGA GAZI FERHAT-BEGA U TEŠNJU

Povodom obilježavanja 10. decembra - Dana grada Tešnja, svečanim činom postavljanja posljednjeg kamena obilježen je završetak radova na uređenju Titove ulice i Trga Gazi Ferhat-bega u Tešnju. Sanacija ove ulice i trga obuhvaćeni su najvećim projektom u posljednjih nekoliko godina - Izgradnja sistema prikupljanja, odvodnje i prečišćavanja otpadnih voda na području općine Tešanj, te su u potpunosti rekonstruisani. Vrijednost ovogodišnjih radova na projektu je 2,6 miliona maraka, dok je u rekonstrukciju ulice i trga uloženo 430.000 KM. Posljednji kamen postavili su Federalni ministar poljoprivrede, vodoprivrede i šumarstva Šemsudin Dedić i Općinski načelnik Suad Huskić.

U ovoj godini smo počeli građevinske radove na izgradnji najvećeg javnog projekta do sada, u prvoj fazi vrijednog oko 24 miliona maraka. Krenuli smo u realizaciju Izgradnje sistema prikupljanja, odvodnje i prečišćavanja otpadnih voda u okviru projekta WATSAN koji vodi Federalno ministarstvo poljoprivrede, vodoprivrede i šumarstva. Ovih dana je u toku završetak prve faze, a Titova ulica i Trg Gazi Ferhat-bega su u potpunosti rekonstruisani i uređeni, kazao je Općinski načelnik Suad Huskić.

Svečanost označavanja završetka radova je dio programa obilježavanja 10. decembra – Dana grada Tešnja. Položeno je i cvijeće na Centralno spomen obilježje šehidima i poginulim borcima, posjećen je mezar Gazi Ferhat-bega u Tešnju, a održana je i svečana sjednica Vijeća na kojoj su dodjeljena priznanja zaslužnim građanima.

Dan grada Tešnja, 10. decembar se obilježava kao sjećanje na daleku prošlost kada je vakif Gazi Ferhad-beg utemeljio Tešanj kao urbanu sredinu.



OPĆINA TEŠANJ CERTIFICIRANA PO BFC STANDARDU

Općina Tešanj je ispunila uslove za certificiranje općina sa povoljnim poslovnim okruženjem prema zahtjevima *BFC SEE standarda (Business Friendly Certification South East Europe - BFC SEE)*, ispunjavajući 12 kriterija i više od 80 podkriterija, koji se odnose na unapređenje kvaliteta usluga i informacija koje jedinice lokalne samouprave pružaju privrednicima i stranim investitorima.

Nakon petnaest mjeseci postupaka i procesa, obavješteni smo da je odlukom Regionalnog vijeća jednoglasno potvrđena pozitivna ocjena Komisije i da Općina Tešanj zvanično postaje nosilac *BFC* certifikata za povoljno poslovno okruženje. Ocijenjeni smo sa 94,6 od 100 mogućih bodova što je do sada najveća ocjena koju je dobila jedna općina u procesu certificiranja u regionu (Hrvatska, Srbija, Makedonija, BiH).

Općina Tešanj se opredjelila za učešće u regionalnom programu *Certifikacija općina i gradova sa povoljnim poslovnim okruženjem u jugoistočnoj Evropi (BFC SEE)* jer je htjela da ojača kapacitete za uspostavljanje kvalitetnog ambijenta za poslovanje i unaprijedi konkurentnost općine u privlačenju investicija, te podstakne razvoj privrede.

Općina Tešanj ovim očekuje regionalni rang konkurentnosti i kvaliteta usluga koje pruža investitorima i privrednicima, unapređenje poslovanja, kao i priliku da učestvuje u regionalnoj razmjeni najboljih praksi. Time se pozicionira kao najnaprednija u regionu i kvalificira za podršku donatora, te aktivniju promociju na regionalnom i međunarodnom nivou.

Ovom prilikom želim da zahvalim svim uposlenicima Općine Tešanj a posebno Projektom timu koji je vodio proces certifikacije, na uloženom trudu i ocjeni 94,6 od 100 što je do sada najveća ocjena od svih općina u regiji koje su prošle ovaj proces. Zahvaljujem i svima onima koji su prepoznali naša nastojanja i dokaze da želimo biti prostor koji je prijateljski posvećen kako stranim, tako i domaćim investitorima, kazao je Općinski načelnik Suad Huskić.



BUSINESS FRIENDLY CERTIFICATE
SOUTH EAST EUROPE



SVEČANO OTVOREN NOVOIZGRAĐENI OBJEKAT CENTRA ZA DJECU SA POTEŠKOĆAMA U RAZVOJU

Svečanim presjecanjem vrpce i otkrivanjem ploče, u Tešnju je otvoren novoizgrađeni objekat Centra za djecu sa poteškoćama u razvoju. Objekat je donacija tešanjskog privrednika Hajrudina Ahmetlića. Ukupna vrijednost izgradnje objekta je oko 250 000 KM. Izgradnjom ovog objekta 30 korisnika – djece i omladine sa poteškoćama u razvoju je dobilo bolje uslove za rad.

Ponosan sam na ovu općinu i njene ljude, i sretan što živim u vremenu u kojem postoje ljudi koji su spremni na ovakva i slična djela. Hvala svima koji su pomagali rad djece sa poteškoćama u razvoju. Nadam se da će ovaj objekat mnogo godina služiti svojoj svrsi, i da će iz njega izlaziti veliki i sposobni ljudi i građani općine Tešanj i Bosne i Hercegovine, kazao je Općinski načelnik Suad Huskić.

Izgradnjom ovog objekta moj otac nije učinio sretnim samo ovu djecu, nego i nas. Uvijek nas je učio da je čovjek sretan onoliko koliko druge učini sretnim. Ovo neće biti zadnji projekat koji ćemo realizirati, rekao je Ahmed Ahmetlić.

Nije problem da ovaj Centar uđe u model finansiranja ZDK. Zahvaljujem se svim donatorima na pomoći, a posebno gosp. Ahmetliću, kazao je Premijer ZDK Miralem Galijašević.

Želim da se zahvalim svima na izgradnji ovog centra, gdje mogu da se družim sa svojim prijateljima, rekla je Nedžmija Bekrić jedna od korisnica ovog centra koja je uručila i progodne poklone donatoru i Premijeru ZDK.

Općina je osigurala lokaciju i sve potrebne dozvole za gradnju objekta, a donator je preuzeo odabir i plaćanje izvođača, kao i angažman nadzora izvođenja radova. Objekat je izgrađen uz postojeću zgradu obdaništa, a koristit će ga oko 30 djece sa posebnim potrebama različitog uzrasta iz svih naselja općine Tešanj.



OPĆINA TEŠANJ ISPLATILA PREKO 300.000 KM ZA POTICAJ U POLJOPRIVREDI ZA 2015. GODINU

Općina Tešanj deset godina u kontinuitetu izdvaja sredstva za novčani poticaj poljoprivrednoj proizvodnji tako da je, kao i prethodnih godina od 28.12. (ponedjeljak) na tekuće račune korisnika počela isplata sredstva za novčani poticaj primarnoj poljoprivrednoj proizvodnji u 2015. godini.

Ove godine je zaprimljeno 595 zahtjeva za poticaj što je znatno veći broj u odnosu na prethodne godine. U oblasti animalne proizvodnje za 338 gazdinstava odobren je poticaj proizvodnji mlijeka, za 43 poticaj pčelarstvu, za tov junadi 39 i 7 za tov pilića. U oblasti biljne proizvodnje ujednačen je broj gazdinstava za poticaj proizvodnji u platenicima i poticaj proizvodnji povrća za otkup i to po 58 gazdinstava, 28 za povrće na otvorenom i 9 proizvodnja voća za otkup.

S obzirom na znatno povećan broj zahtjeva u odnosu na prethodne godine i raspoloživa budžetska sredstva, a shodno Programu poticaja, primijenjen je korekcionni faktor 0,77 a ukupni iznos od 312.949,00 KM za 526 korisnika.



IZBOR NAJUSPJEŠNIJIH POLJOPRIVREDNIH PROIZVOĐAČA

U organizaciji Zemljoradničke zadruge *Kapi života* održana je treća po redu manifestacija *Izbor naj poljoprivrednika općine Tešanj*. Podrška razvoju poljoprivrede našeg kraja ogleda se u kontinuiranim već desetim po redu općinskim poticajima (izdvojeno do sada oko 2,5 mil KM), sajamskim potporama, edukativnim emisijama. Danas imamo registrovanih 1.600 poljoprivrednih proizvođača od čega 560 većih, 35 ha voćnjaka, 4.600 grla goveda, 6 ha platenika. Podršku razvoju daju i TRA, Poljoprivredna škola, Udruženje iz Šija, Udruženje *RUKA* iz Kaloševića, Udruženje pčelara.

Zadnjih godina posebno je značajna proizvodnja za otkup, posebno mlijeka a zatim kornišona i maline za što će uskoro biti na raspolaganju hladnjača kapaciteta 200 tona.

Ove godine za najbolje su proglašeni:

Naj farma sa min. 10 muznih krava ili 15 junadi u tovu

1. Bekrić Ahmet, Lepenica
2. Ahmić Emira, Ljetinić
3. Planjac Besima, Bobare

Naj voćnjak/bašta/platenik (voćnjak min. 1,0 ha, bašta jedne kulture min. 0,5 ha ili 700 m² platenika)

1. Agić Ibrahim, Rosulje
2. Balić Osman, Šije
3. Huselja Sejfidin, Mrkotić



Nagrade je obezbjedila Općina iz sredstava za unapređenje primarne poljoprivredne proizvodnje u 2015. godini.

Prema Planu sanacije klizišta na području općine Tešanj u 2015. godini izvršeno je saniranje 22 klizišta koja su direktno ugrožavala infrastrukturu i stambene objekte. Za realizaciju saniranja navedenog broja klizišta utrošeno je 122.057,17 KM. Također, Općina Tešanj je u 2015. godini Federalnom fondu za pomoć nastradalim područjima od prirodne nesreće na teritoriji FBiH kandidovala više klizišta za finansiranje projektovanja i sanacije, od kojih su odabrana dva, za koje je Federalni fond osigurao izradu projektne dokumentacije. Oko daljih aktivnosti na realizaciji sanacije se čeka izjašnjenje Federalnog fonda.



NABAVKA AUTOCISTERNE ZA VODU I OPREME ZA VATROGASNU PREVENTIVU

U okviru redovnih godišnjih aktivnosti na opremanju struktura civilne zaštite općine Tešanj, tokom mjeseca oktobra 2015. godine izvršena je nabavka rabljene autocisterne za vodu većeg kapaciteta, koja će zamijeniti već dotrajalu vatrogasnu autocisternu. Na ovaj način će se osigurati dvojakom korištenje navedene autocisterne, kako za potrebe efikasnijeg snabdjevanja stanovništva vodom u sušnim periodima, tako i adekvatnu dopunu vode za gašenje požara. Nabavka je realizovana iz sredstva posebne naknade za zaštitu i spašavanje za potrebe službi zaštite i spašavanja.



U 2015. godini iz sredstava nakande za vatrogastvo realizovana je i nabavka rabljenog teretnog Caddy vozila za potrebe Profesionalne vatrogasne jedinice, namijenjenog za efikasnije provođenje preventive zaštite od požara, prvenstveno servisa vatrogasnih aparata. Pored navednog Caddy vozila nabavljena je i kompletna oprema za servis vatrogasnih aparata koja uključuje suho i vodeno ispitivanje, kao i punjenje vatrogasnih aparata i zamjenu dijelova. Na ovaj način će se osigurati bolja usluga Profesionalne vatrogasne jedinice u provođenju vatrogasne preventive.



PREVENTIVNE MJERE ZAŠTITE OD POPLAVA

Provođenje preventivnih mjera zaštite od poplava realizovano je i tokom 2015. godine na dijelovima vodotoka za koje je utvrđeno da predstavljaju stalnu prijetnju od poplava i gdje su nastala oštećenja obala. Aktivnosti su realizovane u MZ Rosulje, Tešanjka, Dobropolje-Mekiš, Jelah, Bobare-Drinčići-Blaževci, Vukovo, Bukva, Novo Selo i Medakovo. Čišćenje, proširivanje i produbljivanje vodotoka je urađeno u dužini od 3255 metara, dok je sanacija obaloutvrda urađena u dužini od 562,5 metara. Navedene aktivnosti su provedene u saradnji sa mjesnim zajednicama uz saglasnost vlasnika zemljišta pored vodotoka.





OPĆINA TEŠANJ

www.opcina-tesanj.ba



2016